

ORDENANZA FISCAL Nº 17

Ordenanza fiscal reguladora da taxa por prestación de servizos de extinción de incendios, emerxencias e outros análogos

Artigo 1º.- Fundamento e natureza

En uso das facultades concedidas polos artigos 133.2 e 142 da Constitución e polo artigo 106 da Lei 7/1985, do 2 de abril, reguladora das bases de réxime local, e de conformidade co disposto nos artigos 15 ao 19 do Real decreto legislativo 2/2004, do 5 de marzo, regulador das facendas locais, este Concello establece a “taxa por prestación do servizos de extinción de incendios, emerxencias e outros análogos”, que se rexerá pola presente ordenanza fiscal, cuxas normas atenden ao previsto no artigo 57 do devandito Real decreto legislativo 2/2004.

Artigo 2º.- Feito imponible

1.- Constitúe o feito imponible da taxa, a prestación dos servizos nos casos de incendios e alarmas destes, accidentes de tráfico, afundimentos totais ou parciais de edificios ou instalacións, ruínas, derrubas, inundacións, salvamentos, corte de silvas e outros análogos, ben sexa por solicitude de particulares interesados, ou ben sexa de oficio por razóns de seguridade, sempre que a prestación do devandito servizo redunde en beneficio do suxeito pasivo.

2.- Non estará suxeito a esta taxa o servizo de prevención xeral de incendios, nin os servizos que se presten en beneficio da xeneralidade ou dunha parte considerábel da poboación do Municipio ou en casos de calamidade ou catástrofe pública oficialmente declarada pola Corporación.

3.- Non estarán suxeitas a esta taxa, as saídas dos medios do Servizo que non cheguen a utilizarse, sempre e cando non fosen requiridos polo suxeito pasivo.

Artigo 3º.- Suxeito pasivo

1.- Son suxeitos pasivos contribuíntes, as persoas físicas ou xurídicas e as entidades a que se refire o artigo 35.4 da Lei xeral tributaria, os usuarios dos bens e terreos sinistrados que fosen obxecto da prestación do servizo, entendendo por tales, segundo os casos, os propietarios, usufrutuarios, inquilinos e arrendatarios dos devanditos bens e terreos obxecto da actuación.

2.- Cando se trate da prestación de servizos de salvamento e outros análogos, será suxeito pasivo contribuínte a persoa física ou xurídica e as entidades do artigo 35.4 da Lei xeral tributaria que os solicítase ou en cuxo interese redunde a prestación realizada.

3.- Terá a condición de substituto do contribuínte, no caso de prestación do servizo de extinción de incendios, accidentes de tráfico, prevención de ruínas, construcións e derrubas, salvamentos e, en xeral, de protección de persoas e bens, as entidades ou sociedades aseguradoras do risco.

Artigo 4º.- Responsábeis

1.- Responderán solidariamente das obrigas tributarias do suxeito pasivo, as persoas físicas ou xurídicas a que se refiren os parágrafos a) e b) do artigo 42 da Lei xeral tributaria.

2.- Serán responsábeis subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 43 da Lei xeral tributaria.

Artigo 5º.- Exencións subxectivas

Gozarán de exención subxectiva aqueles contribuíntes que obteñan ingresos anuais inferiores aos que correspondan ao salario mínimo interprofesional.

Artigo 6º.- Cota tributaria

1.- A cota tributaria determinarase en función do número de efectivos, tanto persoais como materiais que se empreguen na prestación do servizo, o tempo investido neste e o percorrido efectuado polos vehículos que actúen.

2.- Para tal efecto aplicarase a seguinte tarifa:

Epígrafe primeiro: Persoal	EUROS
Por cada técnico superior, por hora ou fracción	29,28
Por cada técnico medio, por hora ou fracción	26,02
Por cada capataz, por hora ou fracción	18,53
Por coordinador de protección civil, por hora ou fracción	18,38
Por cada condutor, por hora ou fracción	14,31
Por cada operario, por hora ou fracción	14,31

Epígrafe segundo: Vehículos

Bomba Urbana Pesada (B.U.P.), por hora ou fracción	50,00
Bomba Urbana Lixeira (B.U.L), vehículo primeira intervención, por hora ou fracción	33,01
Vehículo lixeiro e análogos, por hora ou fracción	21,02
Bomba Forestal Pesada (B.F.P.) e vehículos análogos, por hora ou fracción	40,00
Por quilómetros percorridos por unidade	0,19

Epígrafe terceiro: Material non consumíbel

Equipo de rescate en estrada, por hora ou fracción	33,01
Grupo electrógeno, electrobomba e similares, por hora ou fracción	13,45
Motoserra	7,11
Xerador de espuma media/alta, por hora ou fracción	20,06
Material lixeiro, por hora ou fracción	1,38

Epígrafe cuarto: Material consumíbel

Por kg de espumóxeno	6,15
Por kg de produto secante	5,15
Por l de líquido dispersante	8,70
Por botella de aire comprimido respirábel	13,83
Por extintor	46,11

Epígrafe quinto: Con carácter mínimo, os dereitos que se liquidarán pola prestación do servizo serán de**57,64**

3.- A cota tributaria total será a suma das correspondentes aos epígrafes da tarifa, tendo en conta os seguintes:

- A tarifa mínima será de aplicación aos servizos prestados, salvo que da liquidación dos elementos utilizados, resulte cota superior.
- Para os efectos do disposto no epígrafe 1º, 2º e 3º do apartado anterior, o tempo investido na prestación do servizo computarase dende a saída ata o regreso ao parque.
- As intervencións efectuadas fóra do termo municipal de Cambre, incrementaranse un 100% e se devengará ademais 0,19 euros/km por vehículo utilizado.
- Na extinción de incendios en locais que teñan substancias tóxicas, inflamábeis ou explosivas en condicións non permitidas, polas disposicións aplicábeis, as cotas incrementaranse nun 100%.
- En xeral, as taxas liquidadas por extinción de incendios en locais comerciais ou industriais sufrirán unha recarga do 50%.

Artigo 7º.- Devengo

Devéngase a taxa e nace a obriga de contribuír cando saia do parque a dotación correspondente, momento no que se inicia, para todos os efectos, a prestación do servizo.

Artigo 8º.- Réxime de liquidación e ingreso

1.- O Servizo Municipal de Protección Civil e Emerxencias efectuará o parte de cada unha das súas actuacións expoñendo as circunstancias que en cada caso concorran e especialmente aquelas que, de conformidade co disposto no artigo 2, poden dar lugar a inesixencia da taxa.

2.- O xefe do servizo remitiralles aos servizos tributarios deste Concello, dentro dos quince días seguintes á prestación de calquera servizo suxeito a tributación, a relación detallada de todas as circunstancias necesarias para practicar a liquidación que corresponda, que será notificada para ingreso directo na forma e prazos sinalados polo Regulamento xeral de recadación.

Artigo 9º.- Infraccións e sancións tributarias

En todo o relativo á cualificación de infraccións tributarias, así como das sancións que a estas lles correspondan en cada caso, estarase ao disposto nos artigos 178 e seguintes da Lei xeral tributaria.

Disposición adicional

1.- A prestación dos servizos a que se refire a presente ordenanza, fóra do termo municipal, só se levará a cabo logo da solicitude expresa do alcalde ou concelleiro delegado do respectivo municipio e mediante a autorización específica do alcalde ou concelleiro delegado desta Corporación.

2.- Neste caso, será suxeito pasivo o contribuínte, na súa calidade de beneficiario do servizo prestado e solicitante deste o Concello en cuestión.